

近代中國史料叢刊三編

第七十輯

欽定大清會典事例（嘉慶朝）

文海出版社有限公司印行

近代中國史料叢刊三編
第七十輯

欽定大清會典事例（嘉慶朝）

卷八百九十八至九百八

內務府

托津等奉敕纂

文海出版社

有限公司
印行

皇后躬桑。如蠶未生。則俟蠶生。如蠶已生。卽於饗先蠶之翼日。內務府總管大臣以龍亭一設。

皇后採桑金鉤黃筐。以綵亭二設。

妃

嬪採桑銀鉤柘黃筐。公主福晉夫人命婦鐵鉤朱

筐昇至

內右門。宮殿監督領侍等受進。陳於

交泰殿。恭請

皇后御吉服。閱鉤筐禮成。內監昇亭出

內右門。授蠶官。用樂導引至壇內。次日質明設

皇后儀駕於

順貞門外。巳刻丙務府禮部堂官奏時。宮殿監督

領侍奏請

皇后行躬桑禮。

皇后吉服乘輿出宮。

妃

嬪乘輿從。各執事女官皆從。

皇后至壇門外降輿。前引命婦十人。相儀女官二人。

恭導

皇后至

具服殿傳贊引

妃

嬪以下各就東西採桑位。視桑之行列爲尊卑。以北爲上。凡陪祀入壇不從採桑者。於臺下左右序立。班齊相儀奏請。

皇后採桑掌儀司首領內監率歌採桑歌內監十人。司金鼓版笛笙簫內監二十四人。麾五色采旗。內監四十人。均於桑林外左右魚貫序立。

皇后至桑林前。傳贊引侍班福晉夫人命婦至臺南。左右隅南嚮立相儀二人。一人跪進金鉤。

皇后右手受之。一人跪進筠篲。

皇后左手受之。採桑歌作。奏樂。

皇后先至東第一株桑前。東面採桑一條。次至西第一株桑前。仍東面採桑二條。均蠶母二人助採。採畢。歌止。

皇后授筐鉤於相儀二人。二人各跪受筐鉤。仍設鉤於龍亭。傳贊引侍班等復原位。典儀奏請

御觀桑臺。

皇后由午陞升臺升座視

妃

金匱要略卷之九十一 采桑

嬪以下以次採桑。

妃

嬪公主福晉夫人各採桑五條。命婦各採桑九條。

均蠶婦助之。採畢。釋鉤筐。女官各設鉤於綵亭。

妃

嬪由臺東西陞升。侍立於臺上左右。公主福晉以

下皆復位立。典儀相儀引贊等彙取諸筐授蠶

母。蠶母跪受之。遂切葉以飼蠶。告成於典儀。

皇后還

具服殿禮服升座。傳贊引

妃

嬪以下命婦及蠶母蠶婦各就位。行六肅三跪三拜禮。禮成。

皇后出殿率

妃

嬪至壇門外乘輿還宮。蠶母蠶婦就蠶室將事。○

乾隆七年議准。

皇后躬桑。以蠶生未眠時。風候和暖之日爲期。其蠶母蠶婦。令內務府於內府及八旗中。遴選熟諳蠶事。並無事故者具奏。

欽點蠶母六人。使居繭館。以督蠶事。蠶婦二十七人。居蠶宮二十七從室。各治蠶事。如不得其人。卽將康熙年間曾經內苑養蠶之人。選爲蠶婦。於內外命婦中。擇年高者二人爲蠶母。承總其事。不必移居蠶室。○又議准。恭遇

皇后躬桑。照耕藉三十六禾詞之例。唱採桑歌。在桑外東西徑道排列。招颭采旗。奏樂唱歌。○又議准。於太監內置蠶宮令丞各一人。交宮殿監督領侍。將各執事首領酌量揀選數員開列。恭候欽點各一員。兼理蠶壇諸務。○又議定。採桑歌用執

采旗太監四十名。司鼓版鑼太監六名。唱採桑歌太監十名。女官四十六人。其女官於

宮內揀選。如人數不敷。在內務府八旗中選擇充補。○九年議准。

皇后躬桑需用蠶婦二十七人。除內苑現有十二人外。餘缺於內務府佐領管領下蘇拉披甲人妻室內挑補。○又議奏伏查

躬桑大典。

皇后親祭具禮服。從事女官隨服禮服。

躬桑具吉服。從事女官亦宜隨服吉服。但禮服吉服。

若令女官等自行備辦。未免新舊不一。長短各異。查得庫貯現有官用女朝服五十分。女蟒袍五十件。蟒褂十件。除朝服蟒袍儘足應用外。尙少官用蟒褂三十件。朝冠四十頂。應交廣儲司成造應用。至蠶婦二十七人。皆係無職人之妻。不便與女官一色服飾。而

躬桑之時。既有伊等執事。亦不便聽其各服便服。請給官用藍緞袍石青緞褂二十七套。亦交廣儲司成造。臨期分給服用。令於事畢之後。仍交衣庫收貯奉

旨蠶婦不必做藍袍石青褂

先農壇耆老係穿月白袍蠶婦亦著做照耆老著袍
餘依議欽此遵

旨奏准謹按耕藉禮儀耆老服飾分別之例擬定

皇后躬桑助採之蠶婦亦令穿青屯絹面月白杭紬
裏裕袍其助

妃

嬪王妃命婦採桑之蠶婦令其穿青布面藍布裏
裕袍其執采旗唱歌辭者亦照耕藉例執采旗
唱禾辭者之服飾令其穿畫金錢五色緞面貫

錢禛。○十四年奏。本年季春吉巳日。致祭。

先蠶壇。欽奉。

諭旨。遣大臣致祭。其養蠶應否。仍交奉宸苑蠶官合董。
率蠶母蠶婦飼養。奉。

旨。不必飼養。○十九年。會典館呈進。

親蠶則例。內採具鉤筐。由。

乾清門出入。奉。

旨。均改爲內右門。○嘉慶十六年。

諭。內務府開列恭從採桑福晉命婦清單。奏請欽點。
一摺。每年皇后親蠶。以福晉命婦七人隨從採桑。

係屬大典。乃近年來開列單內，除近支福晉外，大率係皇后姻親，意欲藉此請安。所以年年開送，其餘多託故不與。此次開列單內，僅止九人。其中大臣命婦，則止有二人。自係各該大臣等，不令其妻恭與典禮。是以託故不行開送。似此積漸，因循必致開列人數不敷。派成何事體。此次姑就單內圈出七人，以備典禮。嗣後各該大臣命婦，除實係有故，照例聲明免其開送外，餘俱著一併開列。如仍前託故規避，以致人數短少，卽著內務府查明無故不到者，將該命婦之夫叅處。

獻繭○蠶事既畢。據報繭成後。擇吉奏請
皇后親詣蠶宮。是日質明。蠶宮令獻酒果祭告
先蠶之神。設纜絲器具於織室正殿。
皇后常服乘輿出宮。不設儀駕。

妃

嬪皆常服乘輿從。

皇后至壇門外。降輿。前引命婦十人導
皇后至繭館。

妃

嬪隨入。

皇后升座。蠶母以繭之圓潔者獻。

皇后受繭更

親擇其圓潔者。分器恭貯以俟

還宮後。恭獻於

皇帝。

皇后擇繭畢。仍分繭與

妃

嬪有差。

皇后至繅絲處。相儀命婦二人。奉金盆注水。蠶母納

繭於盆。